

Асыл тұқымды мал шаруашылығын дамытуды субсидиялауға 2007 жылдың республикалық бюджетінен бөлінетін ағымдағы нысаналы трансферттерді пайдалану ережесін бекіту туралы

Қазақстан Республикасы Үкіметінің 2007 жылғы 15 ақпандағы N 115 Қаулысы

"2007 жылға арналған республикалық бюджет туралы" Қазақстан Республикасының 2006 жылғы 8 желтоқсандағы Заңына сәйкес, асыл тұқымды өніммен (материалмен) қамтамасыз етуде отандық ауыл шаруашылығы тауарын өндірушілерді қолдау мақсатында Қазақстан Республикасының Үкіметі **ҚАУЛЫ ЕТЕДІ** :

1. Қоса беріліп отырған Асыл тұқымды мал шаруашылығын дамытуды субсидиялауға 2007 жылдың республикалық бюджетінен бөлінетін ағымдағы нысаналы трансферттерді пайдалану ережесі бекітілсін.

2. Осы қаулы 2007 жылғы 1 қаңтардан бастап қолданысқа енгізіледі және ресми жариялануға тиіс.

Қ а з а қ с т а н Р е с п у б л и к а с ы н ы ң

Премьер-Министрі

Қазақстан Республикасы
Үкіметінің
2007 жылғы 15 ақпандағы
N 115 қаулысымен

бекітілген

Асыл тұқымды мал шаруашылығын дамытуды субсидиялауға 2007 жылдың республикалық бюджетінен бөлінетін ағымдағы нысаналы трансферттерді пайдалану ережесі

1. Жалпы ережелер

1. Осы Асыл тұқымды мал шаруашылығын дамытуды субсидиялауға 2007 жылдың республикалық бюджетінен бөлінетін ағымдағы нысаналы трансферттерді пайдалану ережесі (бұдан әрі - Ереже) асыл тұқымды мал шаруашылығын сақтау және дамыту мақсатында 2007 жылға арналған республикалық бюджетте 009 "Облыстық бюджеттерге, Астана және Алматы қалаларының бюджеттеріне ауыл шаруашылығын дамытуға берілетін ағымдағы нысаналы трансферттер" бағдарламасының 101 "Облыстық бюджеттерге, Астана және Алматы қалаларының бюджеттеріне асыл тұқымды мал шаруашылығын дамытуға берілетін ағымдағы нысаналы трансферттер" кіші бағдарламасы бойынша көзделген қаражат есебінен және шегінде аттестатталған асыл тұқымды мал зауыттарына, малды асылдандырушы шаруашылықтарға, малды асылдандырушы және дистрибьютерлік орталықтарға (бұдан әрі - асыл тұқымды мал

шаруашылығы саласындағы субъектілер) ағымдағы нысаналы трансферттерді пайдалану (бұдан әрі - субсидиялау) тәртібін айқындайды.

2 . С у б с и д и я л а р :

1) отандық ауыл шаруашылығы тауарын өндірушілерге (бұдан әрі - тауар өндірушілер) сатылған асыл тұқымды өнімнің (материалдың) құнын ішінара 50%-ға д е й і н а р з а н д а т у ғ а ;

2) малды асылдандырушы орталық, етті құс шаруашылығы бойынша малды асылдандырушы шаруашылық және Қостанай тұқымы бойынша асыл тұқымды мал зауыты мал тұқымын асылдандыру ісін дамыту үшін сатып алатын арнайы технологиялық, зертханалық жабдықтардың (бұдан әрі - жабдықтар), сондай-ақ арнайы ауыл шаруашылығы техникасы мен ұйымдастыру техникасының (бұдан әрі - техника) қ ұ н ы н т о л ы қ ө т е у г е ;

3) малды асылдандырушы орталыққа асыл тұқымды бұқалар мен тұқымдық қошқарларды сатып алу және ұстау, олардың ұрықтары мен эмбриондарын алу, сақтау, пайдалану жөніндегі шығындарды толық өтеуге;

4) етті құс шаруашылығы бойынша малды асылдандырушы шаруашылықта (бұдан әрі - малды асылдандырушы шаруашылық) асыл тұқымды құстарды сатып алу және ұстау жөніндегі шығындарды толық өтеуге;

5) Қостанай тұқымы бойынша асыл тұқымды мал зауытында (бұдан әрі - асыл тұқымды мал зауыты) асыл тұқымды жылқыларды өсіру, ұстау және жаттықтыру, асыл тұқымды айғырлардың ұрығын алу және сақтау жөніндегі шығындарды толық өтеуге а р н а л а д ы .

3. Субсидиялар мыналарға төленеді:

1) егер олар өздері алған және өсірген асыл тұқымды төлді оның тұқымдық құндылығының деңгейін анықтағаннан кейін ғана сатса, асыл тұқымды мал зауыттарына және (немесе) шаруашылықтарға;

2) егер олар өздері өндірген ата-енесі жағынан асыл тұқымды жұмыртқаны, ал асыл тұқымды шаруашылықтар ата-анасы жағынан асыл тұқымды жұмыртқаны сатса, асыл т ұ қ ы м д ы қ ұ с з а у ы т т а р ы н а ;

3) егер олар ұрпағының сапасына қарай бағаланған өздерінің асыл тұқымды бұқаларының ұрығын (бұдан әрі - ұрық) пайдалана отырып, малды өз төлінен өсіру жөнінде қызмет көрсетсе, малды асылдандырушы орталықтарға. Дистрибьютерлік орталықтарға сатылған ұрық субсидиялауға жатпайды;

4) егер олар қолда бар немесе дистрибьютерлік немесе малды асылдандырушы орталықтардан сатып алынған ұрықты пайдалана отырып, малды өз төлінен өсіру жөнінде тікелей қызметтер көрсетсе, не оларды тауар өндірушілерге малды өз төлінен өсіру үшін сатса, дистрибьютерлік орталықтарға.

4. Тауар өндірушілерге тегін берілген, сондай-ақ қосылма тұлғаларға, айырбас немесе өзара есептесу есебіне сатылған асыл тұқымды өнім (материал) субсидиялауға

ж а т п а й д ы .

5. Осы Ереженің 3-тармағында көрсетілген субсидиялар белгіленген тәртіппен аттестатталған асыл тұқымды мал шаруашылығы саласындағы субъектілерге іс жүзінде сатылған асыл тұқымды өнім (материал) үшін жергілікті атқарушы органдар белгілеген квоталар шегінде төленеді.

6. Асыл тұқымды өнімнің (материалдың) әрбір түріне субсидиялар нормативі осы Ережеге қосымшаға сәйкес белгіленеді.

7. Асыл тұқымды мал шаруашылығы саласындағы субъектілер асыл тұқымды өнімді (материалды) тауар өндірушілерге төленетін субсидия мөлшерін есепке алмай, Қазақстан Республикасы Ауыл шаруашылығы министрлігі (бұдан әрі - Министрлік) бекіткен баға бойынша дербес сатады.

8. Аудан, облыс бойынша асыл тұқымды өнімді (материалды) сатып алу-сату шартының, олардың сатылғаны туралы жиынтық актілердің ұсынылатын нысандарын, облыс бойынша асыл тұқымды өнімнің (материалдың) сатылғаны және субсидиялар төлеу туралы біріктірілген жиынтық ведомосты (бұдан әрі - біріктірілген жиынтық ведомость), сондай-ақ Министрлікке ведомстволық бағынысты малды асылдандырушы орталықтың, малды асылдандырушы шаруашылықтың, асыл тұқымды мал зауытының бюджет қаражатын бөлудің жылдық сметасын Министрлік бекітеді.

2. Асыл тұқымды мал шаруашылығын дамытуға арналған субсидияларды пайдалану тәртібі

9. Асыл тұқымды өнімді (материалды) сатқаны үшін субсидиялар алу үшін:

1) асыл тұқымды мал шаруашылығы саласындағы субъектілер мәмілелердің жасалуына қарай, бірақ 2007 жылғы 5 желтоқсаннан кешіктірмей аудан әкімдігінің ауыл шаруашылығы бөліміне (бұдан әрі - бөлім) мынадай құжаттарды:

асыл тұқымды өнімді (материалды) сатып алу-сату шартын (малды өз төлінен өсіру жөнінде қызмет көрсететін жеке тұлғаларға ұрық сатқан кезде сатып алу-сату шарты талап етілмейді, орнына ұрықты жөнелту ордері ұсынылады);

төлем құжаттарының (кассалық кіріс ордері, банктің төлем тапсырмасы немесе шот-фактура) көшірмелерін ұсынады;

2) бөлім ай сайын 3-күнге қарай, бірақ 2007 жылғы 5 желтоқсаннан кешіктірмей, өткен ай үшін бөлім басшысы бекіткен аудан бойынша асыл тұқымды өнімнің (материалдың) сатылғаны туралы жиынтық актіні, облыс әкімінің ауыл шаруашылығы департаментіне (басқармасына) (бұдан әрі - департамент (басқарма) төлем құжаттарының көшірмелерімен бірге асыл тұқымды өнімді (материалды) сатып алу-сату шартының түпнұсқасын ұсынады;

3) департамент (басқарма) ұсынылған құжаттарды бес жұмыс күні ішінде тексереді, облыс бойынша асыл тұқымды өнімнің (материалдың) сатылғаны туралы жиынтық актіні жасайды және бекітеді, облыс бойынша асыл тұқымды өнімнің (материалдың) сатылғаны туралы бекітілген жиынтық актілер бойынша, оларда көрсетілген көлем мен

асыл тұқымды өнімнің (материалдың) әрбір түріне субсидиялар нормативтері негізінде тиесілі бюджет ақшасының көлемін айқындайды және белгіленген квоталар шегінде Министрлік бекіткен нысан бойынша біріктірілген жиынтық ведомость жасайды. Асыл тұқымды мал шаруашылығы саласындағы тиісті субъектілердің ағымдағы шоттарына тиесілі субсидияларды аударуды департамент (басқарма) белгіленген тәртіппен бекітілген төлемдер бойынша қаржыландыру жоспарына сәйкес Қазақстан Республикасы Қаржы министрлігінің аумақтық қазынашылық бөлімшелеріне (бұдан әрі - аумақтық қазынашылық бөлімшелері) мынадай құжаттарды:

2 данада ақы төлеу шоттарының тізілімін;
ақы төлеу шотын ұсыну жолымен жүзеге асырады.

10. Малды асылдандырушы орталыққа асыл тұқымды бұқалар мен тұқымдық қошқарларды, ұрық пен эмбриондарды, жабдықтарды, техниканы сатып алуға арналған шығындарды толық өтеу үшін:

1) малды асылдандырушы орталық департаментке (басқармаға) отандық немесе шетелдік селекцияның асыл тұқымды бұқалары мен тұқымдық қошқарларын, ұрық пен эмбриондарды, жабдықтарды, техниканы сатып алуға арналған шарттарды Министрлікпен келісілген тізбе бойынша бір данадан ұсынады;

2) департамент (басқарма) ұсынылған шарттарды он жұмыс күні ішінде тексереді және қаржыландыру жоспарына сәйкес бюджет ақшасын асыл тұқымды бұқалар мен тұқымдық қошқарларды, ұрық пен эмбриондарды, жабдықтарды және техниканы сатып алу үшін малды асылдандырушы орталықтың ағымдағы шотына аударады. Малды асылдандырушы орталық асыл тұқымды бұқалар мен тұқымдық қошқарларды, ұрық пен эмбриондарды, жабдықтарды, техниканы сатып алғаннан кейін келесі айдың ішінде департаментке (басқармаға) төлем құжаттары мен жеткізу актілерінің көшірмелерін ұсынады.

11. Малды асылдандырушы орталықта асыл тұқымды бұқалар мен тұқымдық қошқарларды ұстауға, олардың ұрығы мен эмбриондарын алуға, пайдалануға, сақтауға арналған шығындарды толық өтеу үшін:

1) малды асылдандырушы орталық департаментке (басқармаға) асыл тұқымды бұқалар мен тұқымдық қошқарларды ұстау, олардың ұрығы мен эмбриондарын алу, пайдалану, сақтау жөніндегі есептемелердің бір данасын, сондай-ақ асыл тұқымды бұқалар мен тұқымдық қошқарларды ұстау, олардың ұрығы мен эмбриондарын алу, пайдалану, сақтау жөніндегі нақты шығындарды растайтын құжаттарды ұсынады;

2) департамент (басқарма) ұсынылған құжаттарды он жұмыс күні ішінде тексереді және қаржыландыру жоспарына сәйкес асыл тұқымды бұқалар мен тұқымдық қошқарларды ұстауға, олардың ұрығы мен эмбриондарын алуға, пайдалануға, сақтауға бюджет ақшасын малды асылдандырушы орталықтың ағымдағы шотына аударады.

12. Малды асылдандырушы шаруашылыққа асыл тұқымды құстарды, жабдықтар мен техниканы сатып алу жөніндегі шығындарды толық өтеу үшін:

1) малды асылдандырушы шаруашылық департаментке (басқармаға) асыл тұқымды құстарды, жабдықтар мен техниканы сатып алуға арналған шарттарды Министрлікпен келісілген тізбе бойынша бір данадан ұсынады;

2) департамент (басқарма) ұсынылған шарттарды он жұмыс күні ішінде тексереді және қаржыландыру жоспарына сәйкес бюджет ақшасын асыл тұқымды құстарды, жабдықтар мен техниканы сатып алу үшін малды асылдандырушы шаруашылықтың ағымдағы шотына аударады. Малды асылдандырушы шаруашылық асыл тұқымды құстарды, жабдықтар мен техниканы сатып алғаннан кейін келесі айдың ішінде департаментке (басқармаға) төлем құжаттары мен жеткізу актілерінің көшірмелерін ұсынады.

13. Малды асылдандырушы шаруашылықта асыл тұқымды құстарды ұстауға арналған шығындарды толық өтеу үшін:

1) малды асылдандырушы шаруашылық департаментке (басқармаға) асыл тұқымды құстарды ұстау жөніндегі есептемелердің бір данасын, сондай-ақ асыл тұқымды құстарды ұстау жөніндегі нақты шығындарды растайтын құжаттарды ұсынады;

2) департамент (басқарма) ұсынылған құжаттарды он жұмыс күні ішінде тексереді және қаржыландыру жоспарына сәйкес бюджет ақшасын асыл тұқымды құстарды ұстауға малды асылдандырушы шаруашылықтың ағымдағы шотына аударады.

14. Асыл тұқымды мал зауытына жабдықтар мен техниканы сатып алуға арналған шығындарды толық өтеу үшін:

1) асыл тұқымды мал зауыты департаментке (басқармаға) жабдықтар мен техниканы сатып алуға арналған шарттарды Министрлікпен келісілген тізбе бойынша бір данадан ұсынады;

2) департамент (басқарма) жасалған шарттарды он жұмыс күні ішінде тексереді және қаржыландыру жоспарына сәйкес бюджет ақшасын жабдықтар мен техниканы сатып алу үшін асыл тұқымды мал зауытының ағымдағы шотына аударады. Асыл тұқымды мал зауыты жабдықтар мен техниканы сатып алғаннан кейін келесі айдың ішінде департаментке (басқармаға) төлем құжаттары мен жеткізу актілерінің көшірмелерін ұсынады.

15. Асыл тұқымды мал зауытында асыл тұқымды жылқыларды өсіруге, күтіп ұстауға, жаттықтыруға және айғырлардың ұрығын сақтауға арналған шығындарды толық өтеу үшін:

1) асыл тұқымды мал зауыты департаментке (басқармаға) асыл тұқымды жылқыларды өсіру, күтіп ұстау, жаттықтыру және олардың ұрығын сақтау жөніндегі есептемелердің бір данасын және асыл тұқымды жылқыларды өсіру, ұстау, жаттықтыру және айғырлардың ұрығын сақтау жөніндегі нақты шығындарды растайтын құжаттарды ұсынады;

2) департамент (басқарма) ұсынылған есептемелерді он жұмыс күні ішінде тексереді және қаржыландыру жоспарына сәйкес бюджет ақшасын асыл тұқымды

жылқыларды өсіруге, күтіп ұстауға, жаттықтыруға және айғырлардың ұрығын сақтауға асыл тұқымды мал зауытының ағымдағы шотына аударады.

16. Департамент (басқарма) осы Ереженің 10, 11, 12, 13, 14, 15-тармақтарына сәйкес субсидияларды төлеу үшін аумақтық қазынашылық бөлімшелеріне 2 данада ақы төлеу шоттарының тізілімін және ақы төлеу шотын ұсынады.

17. Департамент (басқарма) осы Ереженің 9, 10, 11, 12, 13, 14, 15-тармақтарына сәйкес субсидиялар төлеу үшін ұсынылатын құжаттардың дұрыстығы үшін жауапты болады.

18. Департамент (басқарма) ай сайын есептіден кейінгі айдың 5-күніне дейінгі мерзімде, бірақ 2007 жылғы 30 желтоқсанныан кешіктірмей Министрлікке бюджеттік кіші бағдарламаны іске асыру барысы, орындалған жұмыстардың көлемі және құны туралы есепті ұсынады.

19. Ағымдағы нысаналы трансферттердің мақсатты, тиімді және уақтылы пайдаланылуына Министрлік және облыстардың әкімдері жауапты болады.

Асыл тұқымды мал шаруашылығын дамытуды субсидиялауға 2007 жылдың республикалық бюджетінен бөлінетін ағымдағы нысаналы трансферттерді пайдалану ережесіне

ҚОСЫМША

Асыл тұқымды өнімнің (материалдық) әрбір түріне арналған субсидиялардың нормативтері

1. Сатылатын асыл тұқымды төлдерге және асыл тұқымды жұмыртқаға арналған субсидиялардың нормативтері

Малдың, құстың және асыл тұқымды жұмыртқаның түрлері мен тұқымдары	Сатылатын 1 килограмм тірі салмаққа асыл тұқымды жұмыртқаның 1 данасына арналған субсидиялардың нормативтері, теңге							
	Шығыс өңір		Батыс өңір		Солтүстік және орталық өңірлер		Оңтүстік өңір	
	Асыл тұқымды мал зауыттары	Малды асылдандырушы шаруашылықтар	Асыл тұқымды мал зауыттары	Малды асылдандырушы шаруашылықтар	Асыл тұқымды мал зауыттары	Малды асылдандырушы шаруашылықтар	Асыл тұқымды мал зауыттары	Малды асылдандырушы шаруашылықтар
1	2	3	4	5	6	7	8	9
Ірі қара мал:								
сүтті бағыттағы	92	84	90	82	94	85	88	80
етті бағыттағы	90	82	88	80	93	83	86	78
Қойлар:								
	95	87	93	85	98	90	92	84

Биязы жүнді бағыттағы								
Биязылау жүнді бағыттағы	95	87	93	85	98	90	92	84
ұяңдылау жүнді бағыттағы	93	85	91	83	93	85	91	83
ұяң жүнді бағыттағы	92	84	92	84	92	84	88	80
Елкілер	95	87	93	85	98	90	92	84
Шопқалар	120	100	120	100	120	100	120	100
Жылқылар:								
спорттық бағыттағы	330	300	300	280	330	300	280	250
өнімдік бағыттағы	92	84	93	85	94	86	89	81
Түйелер			84	77			83	75
Бұғылар	135	120						
Маралдар	135	120						
Түйеқұстар	550	500	550	500	550	500	550	500
Асыл тұқымды жұмыртқа:								
Тауық жұмыртқасы (аналық)	22	20	22	20	22	20	20	18
Тауық жұмыртқасы (еттік)	45	40	45	40	45	40	45	40
Үйрек жұмыртқасы	24	20	24	20	24	20	24	20
Күркеауық жұмыртқасы	70	60	70	60	70	60	70	60
Қаз жұмыртқасы	70	60	70	60	70	60	70	60

2. Асыл тұқымды бұқалар ұрығының бір дозасына арналған субсидиялардың нормативі

Асыл тұқымды материалдың түрлері	Ұрықтың 1 дозасына арналған субсидиялардың нормативі, теңге			
	Шығыс өңір	Батыс өңір	Солтүстік және орталық өңірлер	Оңтүстік өңір

